



12 -03- 2024

680/24

Maja DZ

JAVNO PREDUZEĆE ŽELJEZNICE FEDERACIJE BOSNE I HERCEGOVINE  
društvo sa ograničenom odgovornošću SARAJEVO  
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-4032-1-15.5./2024

Datum: 07.03.2024. godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije broj: 20629-1-2/2023 od 04.03.2024. godine, Uprava Društva na 5. sjednici, održanoj dana 07.03.2024. godine donijela je:

**O D L U K U**  
o izboru najpovoljnijeg ponuđača

**I**

Ugovor za javnu nabavku roba – Ogrijevni materijal za 2023/2024. godinu za PPP Tuzla, Radionica Dobošnica, za potrebe JP Željeznice Federacije BiH d.o.o. Sarajevo, dodjeljuje se ponuđaču ILIĆ-TRGOVINA d.o.o. Zvornik, u iznosu od 42.150,00 KM (bez PDV-a), odnosno 49.315,50 KM (sa PDV-om), u postupku konkurentskog zahtjeva za dostavu ponuda, tender broj: UD-20629-1/2023.

**II**

Ugovor se dodjeljuje u skladu sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22), tj. u skladu sa kriterijem ekonomski najpovoljnije ponude.

**III**

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

**IV**

Ova Odluka stupa na snagu danom donošenja.

**O b r a z l o ž e n j e**

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-20482-1-9.5./2023 od 29.11.2023. godine odobrila pokretanje konkurentskog zahtjeva za dostavu ponuda za javnu nabavku robe – Ogrijevni materijal za 2023/2024. godinu za PPP Tuzla, Radionica Dobošnica, za potrebe JP Željeznice Federacije BiH d.o.o. Sarajevo, tender broj: UD-20629-1/2023.

Rješenjem Predsjednika Uprave - Generalnog direktora, broj: 1-20811-1/2023 od 01.12.2023. godine, imenovana je Komisija za nabavke (u daljem tekstu: Komisija) koja je provela postupak nabavke u sljedećem sastavu: Maja

UIC 50

Bosna i Hercegovina

Deljković Zubčević – predsjedavajući – službenik za javne nabavke, Bajra Čaušević – član, Hejlana Čekić – član. Sekretar Komisije je Edina Karić.

Obavještenje o nabavci je objavljeno na portalu javnih nabavki dana 15.12.2023. godine pod brojem:1050-7-1-346-3-165/23, te u "Sl.glasniku BiH" broj: 86/2023 od 22.12.2023. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14 i 59/22), (u daljem tekstu Zakon), Komisija je dana 26.12.2023. godine u 13:00 sati, izvršila javno otvaranje ponuda. Do roka određenog za prijem ponuda dostavljene su 3 (tri) ponude i to:

Ponuda ponuđača **PRIMAPROM d.o.o. Banja Luka**, koji je ponudio:

- Cijenu: 48.450,00 KM (bez PDV-a), odnosno 56.686,50 KM (sa PDV-om),
- Uslovi i način plaćanja: 60 dana od dana prijema fakture kod ugovornog organa za isporučenu robu,
- Rok isporuke: 4 dana od dana prijema narudžbenice ispostavljene od strane ugovornog organa.

Ponuda ponuđača **ELEKTROREMONT d.o.o. Banovići**, koji je ponudio:

- Cijenu: 49.500,00 KM (bez PDV-a), odnosno 57.915,00 KM (sa PDV-om),
- Uslovi i način plaćanja: 30 dana od dana prijema fakture kod ugovornog organa za isporučenu robu,
- Rok isporuke: 30 dana od dana prijema narudžbenice ispostavljene od strane ugovornog organa.

Ponuda ponuđača **ILIĆ-TRGOVINA d.o.o. Zvornik**, koji je ponudio:

- Cijenu: 42.150,00 KM (bez PDV-a), odnosno 49.315,50 KM (sa PDV-om),
- Uslovi i način plaćanja: 60 dana od dana prijema fakture kod ugovornog organa za isporučenu robu,
- Rok isporuke: 1 dan od dana prijema narudžbenice ispostavljene od strane ugovornog organa.

Komisija je izvršila pregled i ocjenu pristiglih ponuda, te konstatovala sljedeće:

Ponuda ponuđača **PRIMAPROM d.o.o. Banja Luka** je ocijenjena kao prihvatljiva, jer je ponuđač dostavio sve dokaze tražene tenderskom dokumentacijom.

Ponuda ponuđača **ELEKTROREMONT d.o.o. Banovići** je ocijenjena kao nepravilna, jer ponuđač nije dostavio pismo ponude zahtijevano tačkom 2.1. tenderske dokumentacije.

Ponuda se odbacuje u skladu sa članom 68. tačka (4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Ponuda ponuđača **ILIĆ-TRGOVINA d.o.o. Zvornik** je ocijenjena kao neprihvatljiva, jer je ponuđač u ponudi dostavio izmijenjenu izjavu po članu 52. Zakona o javnim nabavkama, a ne onu koja je data kao prilog 5 tenderske dokumentacije.

Tačkom 2.2.11. je zahtijevano: svaki ponuđač je dužan uz ponudu dostaviti popunjenu i potpisanu od strane zakonskog zastupnika ponuđača i ovjerenu kod nadležnog organa (notar, organ uprave - općina i dr.) posebnu originalnu pismenu izjavu, koja je data u prilogu 5 i sastavni je dio TD, kojom potvrđuje da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci.

Ponuđač također nije dostavio ponudeni prilog 4 već je tekst samostalno kucao, s tim da nije značajnije mijenjan. Također, tačkom 5.14 tenderske dokumentacije je navedeno da su ponuđači obavezni da pripreme svoje ponude u

skladu sa kriterijima i uslovima koji su utvrđeni u TD (tenderskoj dokumentaciji). Ponudač ne smije mijenjati ili nadopunjavati tekst TD, a ponude koje nisu dostavljene u skladu sa TD biće odbačene kao neprihvatljive.

Ponuda se odbacuje u skladu sa članom 68. tačka (4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Na osnovu navedenog, Komisija je utvrdila da su ispunjeni zakonski uslovi za nastavak postupka nabavke i zaključenje ugovora, te je u skladu sa članom 19. stav 1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine, dala p r e p o r u k u Upravi Društva za donošenje Odluke o izboru najpovoljnijeg ponuđača ponuđaču **PRIMAPROM d.o.o. Banja Luka**, u iznosu od 48.450,00 KM (bez PDV-a), odnosno 56.686,50 KM (sa PDV-om), a na osnovu člana 64. stav 1. pod a) Zakona, tj. u skladu sa kriterijem ekonomski najpovoljnije ponude.

Uprava Društva je prihvatila preporuku Komisije, te je na svojoj 2. sjednici, održanoj dana 26.01.2024. godine donijela Odluku o izboru najpovoljnijeg ponuđača broj: UD-1487-1-12.2./2024.

Izabrani ponuđač je blagovremeno dostavio dokumentaciju po članu 45. Zakona, zahtijevanu tenderskom dokumentacijom, a koju je Komisija ocijenila prihvatljivom.

Ugovorni organ je obavijestio učesnike u postupku o donesenoj Odluci putem obavještenja broj: 1-1879-1/2024 od 30.01.2024. godine.

Po prijemu obavještenja, ponuđač ILIĆ-TRGOVINA d.o.o. Zvornik je blagovremeno uložio žalbu broj 251/24 od 07.02.2024. godine. Ugovorni organ je obustavio postupak po navedenoj žalbi putem portala javnih nabavki.

Rješavajući po navedenoj žalbi, Ugovorni organ je istu u cjelosti usvojio, te donio Rješenje broj:1-2856-1/2024 od 14.02.2024. godine, kojim je ponuda ponuđača ILIĆ-TRGOVINA d.o.o. Zvornik proglašena prihvatljivom.

Obzirom da na predmetno Rješenje nije uložena žalba, Komisija u skladu sa članom 19. stav 1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine, daje p r e p o r u k u Upravi Društva za donošenje Odluke o izboru najpovoljnijeg ponuđača ponuđaču **ILIĆ-TRGOVINA d.o.o. Zvornik**, u iznosu od 42.150,00 KM (bez PDV-a), odnosno 49.315,50 KM (sa PDV-om), a na osnovu člana 64. stav 1. pod a) Zakona, tj. u skladu sa kriterijem ekonomski najpovoljnije ponude, u skladu sa bodovnom listom.

Ugovor se dodjeljuje u skladu sa članom 64. stav (1) tačka a) Zakona o javnim nabavkama, tj. u skladu sa kriterijem ekonomski najpovoljnije ponude. Uprava Društva je prihvatila preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 5 (pet) dana od dana prijema iste, a u skladu sa članom 99. i 101. Zakona.

Dostaviti:

- Željeznički operator,
- Sektor za nabavke i prodaju x2,
- Sektor plana, analize i raspoređivanja prihoda,
- Ponuđačima/x3,
- Uz Zapisnik,
- a/a.

VD Predsjednika Uprave – Generalnog direktora  
Enis Džafić, mr.ecc.



UIC 50

Bosna i Hercegovina